



ČAROBNA  
RIJEĆ

# **SADRŽAJ**

- 1. Čestitka direktorice Emine Mujan povodom Dana nezavisnosti BiH**
- 2. Aktuelnosti**
- 3. Neki novi klinci...**
- 4. Razgovor sa ...**
- 5. Perom i kistom naših učenika**
- 6. Savjet plus**
- 7. English Corner**
- 8. Zabavne strane**
- 9. Osmomartovska čestitka**

# JU OŠ "Mula Mustafa Bašeskija"

Logavina 52, 71000  
Sarajevo, Bosna i  
Hercegovina  
tel: +387 (33)  
**238-151; fax: +387**  
**(33) 238-151;**  
**skola@osmmbsa.ed**  
**u.ba**

**Područna škola  
Sedrenik tel: +387  
(33) 574-350; fax:  
+387 (33) 232-007**

## **ČLANOVI REDAKCIJE:**

Zejneb Balić, Esma  
Muminović, Farah  
Nukić, Iman Salman,  
Nadya Bektić, Ibrahim  
Zubčević, Zejneb  
Katerji, Omar Ćurčić,  
Zehra Šeko, Berina  
Salihagić, Merjem  
Mehmedović.

**Naslovna strana:**  
Amina Šeko  
**Tehnička  
podrška:** Eren  
Burazerović



# **Čestitka direktorice škole Emine Mujan povodom Dana nezavisnosti BiH**

Cijenjeni prijatelji naše škole, dragi učenici, roditelji i kolege , priredbom i brojnim drugim aktivnostima obilježili smo 1.mart, Dan nezavisnosti, naše domovine Bosne i Hercegovine.

Kao uposlenici odgojno- obrazovne ustanove svakodnevno težimo da naučimo naše učenike da se domovina brani znanjem, te se trudimo da patriotizam, ljubav i osjećaj pripadnosti razvijamo i njegujemo u svakom od njih. Svjesni smo da mlade naraštaje pored gledanja naprijed i u budućnost moramo učiti da ne zaborave prošlost.

Zahvaljujem se učenicima, roditeljima i kolegama koji su svojim radom doprinijeli da uživamo u priredbi i učeničkim radovima o domovini Bosni i Hercegovini



*Aktuelnosti...*

## Dan ljubaznosti

Dan ljubaznosti u svijetu se obilježava 13. novembra. Učenici naše škole, na ideju Vijeća učenika, obilježili su ovaj datum kreativnim porukama i crtežima, te poslali poruku ljubavi i ljubaznosti. Ovo je prilika da se podsjetimo da lijepa riječ otvara sva vrata. Poklonite osmijeh, pružite ruku, nazovite osobu koju dugo niste čuli, razveselite bližnje, budite ljubazni i prema sebi.



## Međunarodni dan tolerancije

Učenici drugih razreda obilježili su tematskom radionicom 16.novembar - Međunarodni dan tolerancije.



# Dan državnosti Bosne i Hercegovine

Povodom velikog praznika naše domovine, Dana državnosti, naša škola je postavila rade i tako napravila izložbu svojoj domovini, Bosni i Hercegovini.



Naši učenici, učitelji i nastavnici su povodom Dana državnosti organizovali priredbu. Učestvovali su učenici skoro svih razreda, članovi dramske, likovne, recitatorske, plesne sekcije i hora. Uz recitacije, pjesme, ples i igrokaze pokazali su koliko vole svoju domovinu. U prilogu možete pogledati slike koje će vam dočarati barem dio atmosfere koja je vladala.



# Sedmica robotike

U okviru "Evropske sedmice robotike 2022" učenici nižih razreda naše škole su upoznali svijet robota u okviru besplatnih radionica koje je organizovala STEM akademija Sarajevo.

Učenici su kroz zabavno učenje i rad sa LEGO WeDo i Lego Spike robotima napravili svog prvog robota i naučili ga da se kreće.




## Međunarodni dan djeteta

U našoj školi obilježen je 20. novembar, Međunarodni dan djeteta. Kroz prigodne radionice naučili smo koja su naša prava, ali i obaveze. Isto tako smo naučili da je svako od nas poseban i drugačiji i da je upravo različitost ta koja nas spaja i čini svijet lijepim i posebnim mjestom.



# Aktuelnosti Food - Healthy and unhealthy

Učenici V-3 su sa nastavnicom Emirom Alikadić obradili nastavnu jedinicu Food - Healthy and unhealthy na malo drugačiji način. Imali su zadatak da samostalno osmisle čas. Učenici su oduševljeni idejom osmislili aktivnosti. Istražvali su, donijeli nastavne listove, audio zapise i prezentacije. Računali su kalorije, razgovarali o tome šta im je potrebno da bili zdravi, odnosno koju hranu trebamo da jedemo. Čas je bio izuzetno zanimljiv, a najviše su uživali u ulozi nastavnika.



## Šta želim biti kad porastem?

Možda smo mali, ali već maštamo o tome šta želimo biti kada odrastemo. Naši prvačići su sa vrijednim učiteljicama uživali u zanimljivim aktivnostima.



# Aktuelnosti Čas odjeljenske zajednice VI – 3


Na času Odjeljenske zajednice učenici VI-3 su sa svojom razrednicom Edisom Bajramović organizirali i realizirali radionicu na temu prevencija ovisnosti.

Ovo je tema o kojoj je nužno uvijek pričati i skretati pažnju na posljedice koje ovisnosti o alkoholu, duhanskim proizvodima, narkoticima i kockanju ostavlja na pojedinca i njegovu okolinu.



## Sat kodiranja #hourofcode

Kao i prethodnih godina i ove godine smo obilježili „Sat kodiranja“. Učenici su na časovima Informatike imali priliku da pristupe stranici [#hourofcode](#) i da rješavajući zanimljive zadatke razviju informatičke kompetencije.



## Vesela čajanka u I-3

Mali smo i vrijedni. Zalužili smo opuštanje i odmor. U odjeljenju I-3 imali smo veselu čajanku. Lijepo smo se družili i dobro zabavili.



## Vrste materijala papir, karton i ljepenka u V-1




Učenici V-1 razreda su sa nastavnicom Amelom Kukolj na kreativan i zanimljiv način obradili nastavnu jedinicu Vrste materijala papir, karton i ljepenka. Kroz interaktivnu igru su ponovili gradivo iz tehničkog crtanja pa su radili vježbe savijanja i rezanja papira, sastavljali modele od papira, geometrijske oblike i pravili slagalice.

# Čas engleskog jezika

Jedna lijepa vijest dolazi nam sa časova Engleskog jezika.

Nastavnica Amra Karić uspostavila je kontakt sa nastavnicom Maite Carazo iz Španije te su na zabavan i edukativan način spojile učenike V, VI i VIII razreda naše škole sa učenicima osnovne škole iz Španije. Učenici sada imaju svoje 'pen friends' sa kojima na obostrano zadovoljstvo mogu vježbati engleski jezik.



## Čas engleskog jezika IV-3

Učenici IV-3 su sa nastavnicom Engleskog jezika Emirom Alikadić obradili temu "My hobby" na drugačiji način. Zadatak je bio da svi od kuće donesu ono čime se bave u slobodno vrijeme, odnosno da predstave svoj hobi. Uživali su u zanimljivom času i predivnim kreacijama.



# Dabar informatičar

**DABAR INFORMATIČAR**  
Međunarodni izazov za popularizaciju Informatike  
od 14. do 25. novembra/studenog 2022.

**online**  
od kuće ili iz škole

Informacije i prošlogodišnji zadaci:  
[www.dabar-informaticar.ba](http://www.dabar-informaticar.ba)

Pravile i klijenčići putem škola i nastavnika Informatike.  
Učešće je besplatno.

**PRIMJERI RJEŠENJA:**  
Rješenje 1. mjesec studenog 2022.  
[www.dabar-informaticar.ba](http://www.dabar-informaticar.ba)

**Primjer zadatka:**  
Četvero maličkih stvarica u Dabar salonom za igre čekaju životinje Zari i Pia. Svaki mudički stvarci mora dati tri različita tretmana i svaki zahtijeva određeno vrijeme.

Uređenje krzna: 5 minuta  
Oštrenje zuba: 8 minuta  
Oblikovanje repa: 15 minuta

Svojim određenim vrijednostima je određeno na slike. Čim mudički stvarci završe svog dabra započinju raditi na dabuskoj čekici u kojoj čekaju u redu.

Pitanje:  
Obi čeka u redu za oblikovanje repa.  
Koji od mudičkih stvaraca će raditi na Obiju?

U prilogu pet godina na izazovu Dabar Informatičar. Preko 60000 učenika i učenica iz čitave BiH se držalo i učestvovalo, osvojivši posebne nagrade u konkursu.

Gostujući Dabar Informatičar pozivaju je za vam Učenike, nastavnike i škole. Besplatno! Svi su dobrodošli!



Naša škola je i ove godine učestvovala u izazovu Dabar informatičar i na taj način omogućila učenicima da steknu nova informatička znanja, unaprijede već postojeća i da razviju komputaciono razmišljanje.

Izazov se organizuje svake godine u mjesecu novembru, pod nadzorom i uz pomoć nastavnika informatike.

## Posjeta Muzeju ratnog djetinjstva

Učenici 5-1 i 5-2 su u pratnji učiteljica Amre Lukačević i Jasmine Karasalihović posjetili Muzej ratnog djetinjstva.



Ove školske godine, škola skijanja, na Igmanu, počela je 6. 2. 2023. i trajala je tri sedmice. Nju je organizovalo Ministarstvo za odgoj i obrazovanje Kantona Sarajevo za učenike šestih razreda. Naša škola je obezbijedila skije, štapove i određen broj pancerica. Prve sedmice je krenula prva grupa učenika tj. učenici VI-3 razreda u pratnji razrednice Edise Bajramović i instruktora Dine Salihbašića.



Narednu sedmicu je uspješno pohađala druga grupa učenika, VI-2 u pratnji instruktora Dine Salihbašića.



Učenici su cijelodnevno uživali na svježem planinskom zraku i sunčanom vremenu. Savladali su novu vještina, a oni malo napredniji su usavršili svoje skijanje.

Treća i posljednja grupa učenika šestih razreda, VI-1, je završio sa svojom obukom treće sedmice škole skijanja u pratnji razrednice Amre Karić i instruktora Dine Salihbašića.



## Posjete kinima

Učenici 6-1 i 6-3 razreda, u pratnji razrednica Edise Bajramović i Amre Karić, posjetili su kino Cineplexx i pogledali animirani film "Put oko svijeta za 80 dana". Zabavljali su se, družili, uživali u dobrom filmu, ali i učili.



Učenici 4-2 uz pratnju učiteljice Nejre Popara- Vragović i nastavnika Šabana Klepića, posjetili su kino CineStar i pogledali film "Kapa".



## Radionica CPCD-a

U četvrtak, 15.decembra 2022. godine, u prostorijama Centar za promociju civilnog društva (CPCD –a) održana je interaktivna radionica iz oblasti programiranja i robotike. Učenici sedmog razreda naše škole su prisustvovali radionicici. Radionica je bila veoma uspješna, te su učenici ponijeli mnogo novih i korisnih saznanja koja će im otvoriti vidike prilikom izbora karijere u budućnosti.



## Donacija knjiga školskoj biblioteci

U utorak, 21. februara ove godine, naša školska biblioteka postala je bogatija novim knjigama zahvaljujući Općini Stari Grad. Radi se o bajkovitim naslovima „Vilenjakovo pero“, „Priče šest vilenjaka“, „Bajke za djecu i majke“, „Tajna zvjezdane sobe“, „Medena medicina“. Naši učenici i učenice će imati priliku da uživaju i da obogate svoje znanje i maštu novim pričama i pustolovinama. Draga djeco, iskoristite ove vrijedne poklone i uživajte u čitanju.



Aktuelnosti...

## Posjeta muzeju Alija Izetbegović

Geografsko-historijska sekcija je u pratnji nastavnika Narcisa Hadžiabdića posjetila muzej „Alija Izetbegović“ i kompleks šehidskog mezarja „Kovači“.



## Posjeta Zemaljskom muzeju

Učenici V-2, u pratnji učiteljice Jasmine Karasalihović, u četvrtak 24. 11. 2022. godine posjetili su Zemaljski muzej. Mnogo su vidjeli, naučili i stvorili divne zajedničke uspomene.



Aktuelnosti ...

## Posjeta izložbi likovnih radova

Učenici drugih i petih razreda posjetili su izložbu likovnih radova u Galeriji MAK. Povod je bio posebno lijep jer su na ovoj izložbi izloženi radovi naše tri talentovane učenice. Čestitamo Šuvalija Sumeji, Vlajčić Emi i Gušalović Sarah što su na ovako lijep način predstavile našu školu.



## Posjeta centru kulture

Učenici drugih, trećih i četvrtih razreda posjetili su JU Centar kulture i mladih i uživali u predstavi „Bajka o ribaru i ribici“. Zahvaljujemo se Općini Stari Grad na organizaciji.



## Aktuelnosti... Posjeta Historijskom muzeju

Učenici IV-2, VI-1, VI-3 i VII-2 razreda posjetili su Historijski muzej 8. decembra 2022. godine. Prisustvovali su edukativnoj radionici pod nazivom "Improvizacije, abeceda preživljavanja".

Učenici su uživali u otkrivanju novih znanja o historiji Bosne i Hercegovine.



## Posjeta Holiday marketu

Učenici 5-1 su u pratnji učiteljice Amre Lukačević prisustvovali otvaranju Holiday marketa u organizaciji Općine Stari Grad.



Aktuelnosti...

## Zelena revolucija

Zahvaljujući učešću u projektu "Zelena revolucija" dobili smo donaciju sadnica koje su našle svoje mjesto u dvorištu naše škole na Sedreniku.



## Humanost na djelu

Učenici V-1 su se uz pomoć roditelja i učiteljice pridružili humanitarnoj akciji "NIJEDNO DIJETE BEZ PAKETIĆA". Malo truda i dobre volje obradovalo je nekog njihovog vršnjaka.



# HUMANITARNO – EKOLOŠKA AKCIJA

Učenici 6-1 su na inicijativu roditelja i uz podršku razrednice prikupili veliki broj plastičnih flaša, odnijeli ih na reciklažu i zarađena sredstva donirali u humanitarne svrhe.

Posebna čestitka našem Džanu Bašoviću i njegovoј mami na angažmanu u ovoj humanitarnoj, a ujedno i ekološkoj akciji.



Aktuelnosti...

# Dan ružičastih majica

Učenici i nastavnici naše škole su kroz niz različitih aktivnosti dali podršku u borbi protiv svakog oblika nasilja. Ovaj dan obilježavamo već tradicionalno. Cilj je da kod učenika razvijemo svijest o velikim posljedicama koje vršnjačko nasilje može ostaviti na razvoj mладог učenika.



# Međunarodni dan maternjeg jezika


Međunarodni dan maternjeg jezika obilježava se svake godine 21. februara, s ciljem unapređivanja, učenja i razvoja maternjeg jezika, te njegovanja jezične i kulturne različitosti.

Učenici naše škole su sa nastavicama Enisom Balićevac i Sabinom Beširević obilježili Dan maternjeg jezika.

Prisjetili su se važnih pisanih spomenika bosanskog jezika i pisama kroz historiju. Naučili su napisati svoje ime bosančicom, starim pismom srednjovjekovne Bosne. Razgovarali su o tome kako ljubav prema svome jeziku se najbolje pokazuje njegovim korištenjem i čuvanjem. Također, učenici su u pratnji naše bibliotekarke Enide Krehić i nastavnice Sabine Beširević posjetili Institut za jezik povodom ovog dana.



## Međunarodni dan maternjeg jezika...




# Dan nezavisnosti Bosne i Hercegovine

Dan nezavisnosti Bosne i Hercegovine, jedan od najvećih državnih praznika, u našoj školi obilježen je nizom aktivnosti, a krunisan je priredbom koja je održana u našoj područnoj školi na Sedreniku.

U nastavku pogledajte fotografije i sami se uvjerite koliko i kako volimo našu jednu i jedinu domovinu, Bosnu i Hercegovinu.



# Aktuelnosti...



# *Neki novi klinči*

## *Nadža Ćurovac*

Na sedmom međunarodnom plivačkom mitingu "Mali delfin 2022" koji je održan 26. 11. 2022. godine u Banja Luci, učenica petog razreda naše škole, Nadža Ćurovac osvojila je tri zlatne i jednu srebrenu medalju.

Ovo nisu Nadžine jedine medalje, ima ih puno! Nadža je članica plivačkog kluba „Aquafit“ i iza sebe ima zavidan broj takmičenja, kako na državnom, tako na regionalnom i međunarodom nivou.

Nadži od srca čestitamo i želimo još mnogo uspjeha!



Neki novi klinci...

## Alejna Zelihić

Na međunarodnom turniru u ritmičkoj gimnastici pod nazivom "Ritam Open" naša Alejna Zelihić, učenica III-1 razreda, je u kategoriji B - light 2014. godište osvojila prvo mjesto. Alejni želimo mnogo uspjeha u životu i u svijetu sporta!



*Neki novi klinci...*

## **Emina Ceric**



**Emina Ceric**, državna prvakinja u stonom tenisu, Šampionka sa preko stotinu medalja, perspektivna je sportašica naše škole i našeg kantona, ali iznad svega toga Emina je jedna divna četrnaestoišnjakinja, vrijedna, istrajna, odana, pažljiva,

skromna, kulturna i odlična učenica. Teško je o njoj napisati bilo šta, a da to ne budu riječi hvale.

Višestruka je Šampionka u katagorijama najmlađi kadeti (do 10 godina) i mlađi kadeti (12), a trenutno dominira u kadetskoj kategoriji. Nakon izvanrednih rezultata u BiH, ali i na međunarodnoj sceni, Emina je postala i kapitenka kadetske selekcije.

Samo u protekloj godini ostvarila je niz sjajnih rezultata. Sa odličjima se vraćala iz Dubrovnika, Banja Luke, Heceg Novog, Berana, Tuzle, Trebinja, Bugojna, Sarajeva, Podgorice, Novog Sada, Slovačke.

Naša Emina je definitivno velika nada bosanskohercegovačkog sporta kao i naš veliki ponos. Od srca želimo da se i u budućnosti sa takmičenja vraća s osmijehom na licu i medaljama oko vrata!

*Neki novi klinci...*

## ***Merjem Mehmedović***

Ponosni smo na još jednu šampionku koja se zove Merjem Mehmedović i učenica je šestog razreda.

Merjem tri godine trenira latinoameričke i standardne plesove u sportsko-plesnom klubu "Astorija". Ova vrsta plesa spada u sportski ples jer zahtijeva mnogo treninga i odricanja, baš kao i svaki drugi sport.

Međutim, za Merjem ništa od toga ne predstavlja problem, već zadovoljstvo.

Osvojila je titulu državne prvakinje u standarnim plesovima u kategoriji pioniri 2. Nakon toga, na međunarodnom takmičenju u Skoplju također je osvojila prvo mjesto u standardnim plesovima.

Njen osmijeh otkriva svo zadovoljstvo koje joj pruža ovaj sport.



*Neki novi klinci...*

## **Ajna Rožajac i Lana Čaušević**

Na Državnom prvenstvu Bosne i Hercegovine u sportskom plesu za solo cure u standardnim i latinoameričkim plesovima koje je održano 13.11.2022. godine učestvovali su učenice VII -1 razreda **Ajna Rožajac i Lana Čausević**.

Ajna Rožajac je proglašena državnom prvakinjom, a Lana Čaušević vice prvakinjom u disciplini standardnih plesova. Ajna Rožajac je takođe ponijela titulu trećeplasirane u disciplini latinoameričkih plesova.

Našim talentovanim učenicama želimo mnogo sreće i uspjeha!



*Neki novi klinci...*

## **Harun Mulaosmanović**

Harun Mulaosmanović, učenik je šestog razreda naše škole. On aktivno trenira džudo, a od 26. februara 2023. godine nosi titulu državnog prvaka u kategoriji kadeta. Prije ove titule, Harun je imao niz uspjeha na državnim i regionalnim takmičenjima.

Ponosni smo na Haruna, njegov predan rad, trud, upornost i požrtvovanost i želimo mu još mnogo uspjeha i osvojenih odličja!



# Intervju sa...

*U jedanaestom broju časopisa "Čarobna riječ" donosimo vam intervju s uvaženom učiteljicom Rasihom Bučo. O čemu smo razgovarali, pročitajte u nastavku.*



## Zašto ste se odlučili postati učiteljica?

“Poziv učiteljice sam odabrala iz dva razloga: još od malih nogu sam voljela podučavanje koje je bilo sastavni dio svih igara mog djetinjstva i ljubavi prema djeci.“

## Koja je Vaša nastavna filozofija?

“Moja nastavna filozofija je sljedeća: „Ako vam nije stalo do učenika, oni neće učiti od vas.“ Zato se već trideset godina trudim i nastojim otkriti kvalitete, prednosti, talente itd. svakog učenika, čvrsto vjerovati u njihove sposobnosti, podsticati ih, ohrabrivati u njihovom radu, postavljati realne ciljeve pred njih, biti dosljedna i istrajna u rješavanju svih vrsta prepreka i izazova koji prate ovaj posao, a na dobrobit učenika i u konačnici zavrijediti povjerenje i poštovanje učenika bez kojih uspjeh nije potpun.“

## Koje su Vaše snage i slabosti u učionici?

“Moja najveća snaga u učionici su moj entuzijazam, želja i volja da učenici napreduju, ali istovremeno predstavljaju ponekad i slabost. U nastojanju da budemo što bolji događaju se i previdi, ponekad i nesporazumi, nezadovoljstvo, ali nema nerješivih problema i situacija ako smo savjesni, odgovorni i jednakovo svjesni važnosti samokritike i kritike. Stalno propitivanje, kritičnost prema sebi i drugima je najbolji korektiv.“

## Koji predmet najviše volite poučavati? Zašto?

“Uglavnom sve predmete volim podučavati jer su svi izuzetno važni u razvijanju dječijih sposobnosti i umijeća, a često akcenat stavljaju na maternji jezik i matematiku jer smatram da su dobri temelji iz tih predmeta preduvjet za razvoj svih drugih interesovanja, nauke i umjetnosti.“

## **Da li postoji nešto što Vas “ljuti” u učionici?**

“Malo šta me „ljuti“ u učionici. „Ljutnja“ je najčešće povezana sa onim izvan učionice. Od svih poslova jednog nastavnika, najljepši je onaj u učionici i sa djecom.”

## **Koji su Vaši interesi i hobiji izvan škole?**

“Izvan škole moji interesi su vezani za jezike, čitanje, pozorište, muziku, druženja sa dragim ljudima, putovanja i porodicu. Ponekad pletem, ponešto heklam, obavljam baštenske poslove.”

## **Da li se dešava da učenik odbija raditi na času i kako to rješavate?**

“Do sada mi se nije desilo da učenik odbija raditi na času, a da za to nema opravdanog razloga. U mom ormaru postoji sav pribor i materijal potrebni za rad kojim se služe djeca u slučaju da zaborave donijeti vlastiti kako bismo izbjegli neke od razloga za nerad.”

## **Mogu li se potrebe učenika prilagoditi potrebama nadarenih učenika?**

“Mislim da mogu, jer mi svaku oblast, sve zadatke bez obzira iz kojeg su predmeta, možemo pripremati na različitim nivoima znanja u skladu sa mogućnostima učenika u odjeljenju.”

## **Na koji način podržavate pismenost svih učenika?**

“Pismenost učenika podržavam svim sredstvima. Najprije promocijom čitanja, radionicama „Svi imamo mišljenje“, „Zašto DA i zašto NE“, motivišem pohvalama, isticanjem uspješnih radova, objavljinjem učeničkih radova u raznim časopisima, učešćem u takmičenjima, analiziranjem pogrešaka, učeničkim samoprocjenama vlastitih radova, demonstracijom pravilnosti i tačnosti, asocijacijama itd. ”

## **Po čemu je naša škola, prema Vašem mišljenju, posebna?**

“ Posebnost je kao rijedak začin koji daje prepoznatljiv ukus lijepom jelu. U ljudskim zajednicama tu posebnost čine ljudi, dakle, u školi nastavnici, učenici i roditelji. Svaka generacija svih navedenih ostavlja neki svoj pečat kojim čini školu posebnom. Zato je meni svaka škola pa i naša posebna po tome što je važan dio djetinstva, odrastanja i sazrijevanja, formiranja ličnosti mladih ljudi.”

## **Učiteljice, hvala Vam na ovom divnom razgovoru. Bilo nam je zadovoljstvo razgovarati s Vama i saslušati Vaše savijete i iskustva!**

“Hvala Vama što ste mi ukazali čast i pozvali me da govorim za školski časopis.”

# *Perom i kistom naših učenika*

## DAN NEZAVISNOSTI BIH

Domovino moja mila,  
Uvijek si mi draga bila  
Sa tobom su moji preci i moji potomci,  
Sa tobom je moja duša koja te uvijek sluša.

Ti si naše blago stvoreno u muci,  
Ne damo te drugoj ruci  
Ni onome što te u ponor htjede stavit'  
I sve tvoje ljepote sebi prisvojit'.

Ponosna si domovino moja,  
Majko svih junaka  
U tebi su pjesme i stihovi,  
Opjevani o Bosni i Hercegovini.

Džana Fatić VII2

### MOJA DOMOVINA

Domovino moja neka je vječna nezavisnost tvoja,  
neka si mi uvijek puna slobode i sreće,  
nikada te niko pokoriti neće.

Ovaj dan slavimo uzdignuta čela,  
jer BiH je bila i biće slobodna i cijela.

Berina Kutlovac VII-2

# *Perom i kistom naših učenika*

## DAN NEZAVISNOSTI BOSNE I HERCEGOVINE

Naša domovina proslavlja svoj važan dan, Dan nezavisnosti.

Pitamo se šta je to nezavisnost?

To je ono kada si slobodan kao ptica u letu, ideš kud hoćeš i kada hoćeš, kada sve odluke donosiš sam, kada sve biraš sam – ovo hoću, ovo ne želim, a ovo neću nikako i nikada.

To je ono kada možeš da radiš i živiš lijepo od svog rada. To je ono kada voliš sve ljudе, s radošću ih dočekuješ i ispračaš i uvijek im se raduješ.

To je ono kada imaš svoj jezik, svoju kuću, svoju porodicu, svoju zemlju i sve ih voliš svim srcem.

To je ono kada ti je srce puno i kada si sretan!

Članovi literarne sekcije IV-1

(Iman, Sumeja, Adin, Emina, Sara)

## DA SAM DRVO...

Da sam drvo, bio bih hrast. Visok, širok, razgranat. Vidio bih cijelu šumu i budno čuvao od svih štetočina. U mojim njedrima bi ptičice svijale sigurna gnijezda, izlijegale ptice i bezbrižno cvrkutale. Vjeverice bi se veselo i sretno igrale skakući po mojim granama. Bio bih im zaklon od kiše, zime i svih neprijatelja.

Afan Jagnjo IV-1

# Perom i kistom naših učenika


## Zimska čarolija

Bliži se još jedan decembar. Kao i svake godine sa sobom donosi već dobro poznat miris u zraku. Miris koji sluti na prve snježne pahulje. Iako je dan dosta kraći, grad obavljen tamom će ubrzo biti obasijan najljepšim, blistavim, prazničnim dekoracijama, ali i prekrasnim, bijelim, sniježnim pokrivačem.

Šarene kape, šalovi, rukavice, mekani džemperi su odavno spremni za još jednu zimsku avanturu. Rumene obraščice i promrzle nosiće ugrijat će topli planinski čaj. Iz kuhinja će se širiti raskošni miris pečenih jabuka i cimeta. Sa obližnjih planina će se čuti radosna graja i smijeh, uz hitro spuštanje sanki, ali i spretno izvođenje zavoja iskusnih skijaša.

Zimski market je nešto posebno svake godine, nudeći uvijek nešto novo i uzbudljivo: krcata klizališta, štandovi sa raznim rukotvorinama i suvenirima, nezaobilazna zabavna mjesta za fotografisanje, muzika, smijeh, raspoložena lica starijih i mladih. Neko će ipak u zimskoj idili uživati iz topline svog doma, uz umirujuće pucketanje vatre, ušuškan u deku sa nekom dobrom knjigom.

Sve to doprinosi jednom bajkovitom i čarobnom iskustvu, koji se na sreću ponavlja svake godine u isto vrijeme. Željno isčekujemo ovogodišnju zimsku čaroliju.



# *Perom i kistom naših učenika*

NAŠOJ DRAGOJ BOSNI

Ako želiš da dočekaš najljepša svitanja,

Onda zanoći na planinskim vrhovima moje Bosne.

Ako uživaš u igri svjetlosti na bistrim vodama,

Onda prošeći pored bosanskih potoka, rijeka i jezera.

Ako želiš da umiriš tugu, zaboraviš brige, odmoriš oči i dušu,

Onda posmatraj zelena bosanska prostranstva.

A kad poželiš slatko se nasmijati i osjetiti toplinu koja grije i tijelo i dušu,

Onda upoznaj Bosance jer se samo s njima iskreno i plače i smije!

Članovi literarne sekcije IV-1

## **PUTOVANJE BOSNOM I HERCEGOVINOM**

Ćao! Moje ime je Amir i ja volim putovati. Nedavno sam oputovao po Bosni i Hercegovini i to je stvarno bilo jedno od najljepših putovanja na kojima sam bio.

Bosna i Hercegovina je mala, ali jako bogata zemlja. U njoj su predivne rijeke, jezera, planine, šume, vodopadi, piramide i još dosta toga! Neki je zovu zemljom vode jer je njome jako bogata. Njena najveća rijeka je Sava, a najljepša Una koja ima divnu, smaragdnu zelenu boju. Najljepši vodopadi, Kravice, su me zaista očarali svojom ljepotom. Neke od najpoznatijih planina u Bosni i Hercegovini su: Igman, Bjelašnica, Trebević i Jahorina. Najviša planina u BiH je Maglić, a najljepša Treskavica na kojoj se nalaze i dva poznata jezera: Crno i Veliko jezero. Pored planina, rijeka i jezera Bosna i Hercegovina ima i prekrasne gradove. Neki od najpoznatijih su: Neum, Bihać, Jajce, Mostar, Travnik, Tuzla, Banja Luka i Sarajevo. Svaki od ovih gradova je meni bio poseban na svoj način i u svakom sam uživao. Neum je jedini grad koji se nalazi na moru, Mostar je poznat po Starom mostu, Travnik je poznat kao vezirski grad, ali i po svom siru i travničkim čevapima, a Banja Luka leži na rijeci Vrbas i u središtu je Bosanske Krajine. Sarajevo je glavni grad Bosne i Hercegovine i u njemu sam proveo dosta vremena. Poseban je po kulturnoj raznolikosti. Na Baščaršiji se sudsaraju istok i zapad. Dok se šeta Baščaršijom osjeti se prekrasan miris čevapa, bureka, sarne, raznih poslastica, kahve... Čuo sam da neki ljudi Sebilj nazivaju trgom golubova.

Mogao bih još mnogo da pišem, ali riječima se ne mogu opisati sve ljepote koje oko vidi i srce osjeti. Sve to morate doživjeti, stoga vas srdačno pozivam da upoznate ovu divnu, malu zemlju smještanu na brdovitom Balkanu.

Zehra Šeko

# Perom i kistom naših učenika

## POEMA O BOSNI

Htjeli su da te nema,  
da te sruše i unište,  
da ostariš i da nestaneš.

A ima Te...

Htjeli su da mrziš,  
da ne voliš i ne živiš.  
A Ti voliš, Ti živiš...


Htjeli su da šutiš,  
da ne čuješ i ne vidiš.  
A čuješ, vidiš i pjevaš...

Pjevaj moja Bosno,  
voli moja Hercegovino.

Nek se pjesma Bosnom hori  
i Hercegovina ljubav dijeli.

Bosno moja prkosna,  
lijepa i ponosna,  
ostani zauvijek živa  
u inat onima koji su  
Htjeli...

Berina Kutlovac VII-2




# Perom i kistom naših učenika

## ČOVJEK DANAŠNJEG VREMENA

Često za ljudе kažemo da su „insani“, ta riječ postala je neizostavan dio našeg rječnika ni sami ne znajući pravo značenje te riječi. Insan je osoba puna dobrote, ljubavi, nježnosti, pažnje i razumijevanja, osoba koja je uvijek tu za nas, u svim trenucima bilo da su lijepi ili ružni.

Ljudi su zarobljeni u prostoru i vremenu i sve više potiskuju ljudske vrijednosti ne obazirući se na druge kao da ne postoje. Srca ljudi postala su tamna i tvrda. Nemaju vremena niti potrebe za druge. Kuće su postale puste i usamljene, nema one sreće ni radosti koja je nekada u tim kućama postojala. Nema više ni boje niti uspomena jer je sve izblijedilo. Te staro-bosanske kuće možda i dalje postoje, ali ima li sreće? Postoji li ona stara dobrota i empatije jednih za druge? Svaka ružna riječ izgovorena od strane čovjeka u srcu ostavlja neprolaznu bol i ožiljak. Do kada ljudi misle da će biti sretniji lomeći i uništavajući tuđa srca? Ne, neće biti sretniji, samo će biti još okrutniji, a ta okrutnost koja je proizašla iz tuge neće stati. Ostat će tu sve dok bude osoba koje će biti žrtve te izražene okrutnosti. Pored okrutnosti javila se uobraženost. Problem im je pomoći ženi prosječne starosne dobi preći ulicu, uzeti joj kese, pa čak i pozdraviti. Takvi ljudi uvijek, dok svijet postoji bit će predmet sprdnje i šale, baš zato što je empatija u njima još davno iščezla. Mi i znamo kad je ona iščezla. Iščezla je onda kada je tehnologija toliko uznapredovala da ljudi više nisu imali potrebu komunicirati jedni sa drugima.

Insana u svijetu danas malo ima, toliko da se ne kaže da ih nema. Ti ljudi baš zbog svoje empatije opstaju i žive bez tereta, sumnje i ambicija. Žive upravo za trenutke pomaganja onima kojima je to najpotrebnije. Ljudi čija su srca poput olova, živjet će dok je ovog čovječanstva hraneći svoja srca bolom koju su nanijeli drugima, ali ne znaju da je ta bol koju su nanijeli drugima od njih načinila negativnu ličnost.



Ajša Lepenica IX-2

# Perom i kistom naših učenika

## ČOVJEK DANAŠNJEG VREMENA

Čovjek, biće stvoreno kao najrazumnije, kao najpamnetnije od svih bića. Dato mu je najviše, živi najljepšim životom i opet ... nezahvalan. Danas se čovjek probudi i dok noć ne padne on samo razmišlja o besmislu svega, o tome kako nema sve što mu treba, o tome da nema novca. I ne bi bio problem kada bi svojim ponašanjem i energijom ništio samo sebe, ali on ništiti ljudi oko sebe.

Ne želim da se poistovjećujem sa drugim ljudima jer većina već pripada toj današnjici. Nije mi jasno kako ljudi koji su prije bili protiv nekih stvari, danas rade te stvari i ponose se s tim. Ljudi su zatupljeni medijima, okruženi lošim ljudima i sada se u to uvlači i kućni odgoj. Današnji život i budućnost su začarani krug. Dijete koje odrasta u ovakvom okruženju kasnije će postati majka ili otac, imat će svoju djecu i odgajat će ih kao što su i oni odgajani. Generacija za generacijom, svijet neće ni znati za stara dobra vremena. Možda se mnogo ljudi neće složiti sa ovim mišljenjem, ali vjerujem da većina danas ide u lošem smjeru jer danas je normalno sve što je prije bilo grozno, sramno, a nekad i zakonski kažnjivo, od golotinje, poroka, lošeg ponašanja omladine, vrijedanja, tuče, maltretiranja.... Sve ove riječi naše su okruženje i naši životi. Sva kultura, poštovanje i bonton ostaje u starijim generacijama, možda neko svoje dijete uputi da bude takva osoba, sa manirima, ali vrlo teško je to danas jer i roditelji da ne bi ispali staromodni gledaju da se priviknu na današnju "modu". Sve što oni nisu mogli puštaju svojoj djeci i tu nastaje najveći problem jer tad djeca imaju puno slobode. Smatram da ako djeci daš previše prostora za njihov odabir, obzirom da oni nisu dovoljno zreli, otići će u onaj začarani krug zla gdje sve izgleda divno, ali iza zavjesa krije se nešto jako loše.

Život je prolazan i pun prepreka, ali ako smatraš da to vrijeme koje ti je propisano rođenjem treba da potrošiš na takav život, ti izvoli, ali zapamti da kasnije nema nazad i da svaki trenutak u životu dešava se samo jednom. Ja ću se truditi i izboriti se da vrijeme u kojem sam rasla i vrijeme u kojem sam odrasla ponesem sa sobom u život, i da me nikad niko ne pokvari i odvede u začarani krug. Sve dok pored mene ima makar dvoje ljudi istih kao ja, u meni ne umire nuda za boljim vremenom.

Arduana Mujak IX-2



# SAVJET PLUS

## Zaštita od nasilja na internetu – kako ga prepoznati i kome se obratiti?

Znamo da su danas internet i mobitel važan dio tvoje svakodnevnice tako učiš igraš se, družiš sa svojim prijateljima i još puno toga.

Internet zaista nudi razne zanimljive i korisne mogućnosti, ali isto tako krije i neke opasnosti od kojih je jedna i nasilje.

### Šta je električno ili digitalno nasilje?

Električno/digitalno nasilje je ponašanje čiji je cilj povrijediti ili uznemiriti dijete, a događa se na internetu ili putem mobitela.

Osobe koje se ponašaju nasilno mogu ti biti poznate ili nepoznate, a ako je riječ o tvojim vršnjacima tada ovaj

#### Električno nasilje uključuje:

- širenje neugodnih informacija istinitih ili lažnih
- otvaranje grupe mržnje
- nedopušteno objavljivanje nečijih fotografija ili videa
- otvaranje lažnih profila
- širenje uvredljivih komentara, slika i videa
- krađu lozinke
- namjerno isključivanje osobe iz grupe
- uhođenje i uznemiravanje
- kreiranje sadržaja na internetu priče, slike ..... ) na račun vršnjaka.



### Kako se osjeća dijete koje je žrtva nasilja na internetu?

Za razliku od nasilja koje se događa uživo , djeca često ne znaju ko je s druge strane interneta pa napadač ima veću anonimnost.

Također, broj ljudi koji je uključen u nasilje i koji je vidio prijeteći sadržaj je nepoznat , a sadržaj je stalno dostupan na internetu. Zbog svega toga dijete koje je žrtva često može misliti da nema izlaza iz električno nasilja i može se osjećati **uplašeno, tužno, usamljeno, zabrinuto, posramljeno**.

Ako se nasilje na internetu događa tebi ili nekom od tvojih prijatelja, važno nam je da znaš da **niste sami**.

Nasilje uživo i nasilje na internetu se često mogu dešavati uporedo. Međutim , nasilje na internetu ostavlja digitalni zapis koji može da posluži kao dokaz prilikom njegovog zaustavljanja.

# SAVJET PLUS

## Najčešća pitanja o digitalnom nasilju

### Da li sam žrtva nasilja na internetu? Kako da razlikujem neslanu šalu od nasilja?

Svi prijatelji se međusobno šale i zadiraju te je ponekad teško reći da li se neko samo zabavlja ili pokušava da te povrijeди, pogotovo na internetu. Ponekad će uz šalu napisati i "samo se šalim" ili "ne shvataj sve tako ozbiljno".

Ako se osejećaš povrijeđeno ili misliš da se drugi smiju tebi umjesto sa tobom onda je šala otisla predaleko. Ako se to nastavi i nakon što si od osobe već više puta tražio/la da prestane sa takvim ponašanjem i ako se i dalje osjećaš uznemireno zbog toga, onda možemo da govorimo o nasilju.

### Koje su posljedice digitalnog nasilja?

Kada iskusiš online nasilje možeš se osjećati kao da te svi napadaju čak i unutar tvog doma. Može da ti se čini kao da nema pomoći. Posljedice mogu da traju dugo i da na različite načine utiču na osobu:

- Mentalno – osjećaj uznemirenosti neprijatnosti neadekvatnosti ljudstva
- Emocionalno – osjećaj stida ili gubitak interesovanja za stvari u kojima je osoba prije uživala
- Fizički – umor gubitak sna ili simptomi poput bolova u stomaku i glavobolje

Digitalno nasilje može da utiče na nas na više načina. Međutim ono se može prevazići i osoba može da povrati svoje samopouzdanje i zdravlje.



### Sa kim treba da razgovaram ako sam žrtva nasilja na internetu?

Ako misliš da si žrtva nasilja, prvi korak je da potražiš pomoć od osobe kojoj vjeruješ (roditelja, staratelja, bliskog člana porodice ili neke druge odrasle osobe).

U školi se možeš obratiti razredniku, pedagogu ili omiljenom nastavniku.

Ukoliko ne želiš da se obratiš osobi koju poznaješ, kontaktiraj Centar za sigurni internet ([www.sigurnodijete.ba](http://www.sigurnodijete.ba)).

Ako se nasilje dešava na društvenoj mreži, blokiraj nasilnika i prijavi nasilje toj društvenoj mreži. Kompanije moraju da štite svoje korisnike.

Moglo bi biti od pomoći da sakupiš dokaze poruke i slike koje dokazuju da si bio/la izložen/a nasilju.

Dobro razmisli prije nego što objaviš ili podijeliš bilo šta na društvenim mrežama jer to može ostati zauvijek na internetu i neko može kasnije da zloupotrijebi te podatke.

Nemoj davati lične podatke kao što su adresa, telefonski broj ili ime škole.

## KRATKI SAVJETI ZA DJECU

- Nikad ne ostavljam lične informacije na internetu, bilo na chatu, blogovima ili ličnim web stranicama.
- Nikad nikome, osim roditeljima, ne reci svoju lozinku, čak ni prijateljima.
- Ako ti neko pošalje zlonamjernu ili prijeteću poruku, nemoj odgovoriti. Pokaži je odrasloj osobi kojoj vjeruješ.
- Nikad ne otvaraj e-mailove koje ti pošalje neko koga ne poznaješ ili neko za koga već znaš da je zlostavljač.
- Ne stavljam na internet ništa što ne želiš da vide tvoji prijatelji iz razreda, čak ni u e-mailu.
- Ne šalji poruke kad si ljut. Prije nego što klikneš "Pošalji" zapitaj se kako bi se ti osjećao da primiš tu poruku.
- Pomozi djeci koju na taj način zlostavljaju tako da ne prikrivaš nasilje i da odmah obavijestiš odrasle.
- **I na internetu poštuj pravila ponašanja kao i u svakodnevnom životu.**



# ENGLISH CORNER

# Happy Independence Day!

DRAW YOUR FLAG

This is the day when our nation sings,  
This is the day when the liberty bell rings,  
This is the day when we all remember  
And we celebrate our INDEPENDENCE!

## Independence day

H	E	C	D	E	S	E	E	W	T	E	E	Z	R	
I	I	W	W	W	O	N	D	S	B	F	R	N	I	R
S	F	B	A	C	W	N	O	A	I	I	F	N	E	
I	R	O	R	L	I	E	A	R	R	R	R	D	H	
D	Z	S	S	S	I	T	D	S	R	S	T	E	I	
E	D	N	G	M	E	R	E	C	T	I	E	P	S	
A	H	I	I	O	R	F	H	B	E	A	D	E	T	
N	D	A	T	O	N	E	B	O	R	M	O	N	O	
D	B	D	Y	D	M	A	R	C	H	R	M	D	R	
H	E	R	Z	E	G	O	V	I	N	A	N	E	Y	
N	Z	Y	P	Y	T	R	E	B	I	L	N	N	V	
N	N	O	I	T	I	D	A	R	T	A	H	C	R	
H	B	Z	E	F	R	I	A	S	I	F	H	E	O	
H	D	A	Y	A	O	O	D	D	E	I	P	E	N	

LIBERTY  
WAR  
MARCH  
BOSNIA  
FREEDOM  
FIRST  
INDEPENDENCE  
HERZEGOVINA  
HISTORY  
TRADITION  
DAY

# ENGLISH CORNER

## HAPPY FLAKES

It was winter. It was all in a city called Iceberg. There were a lot of children. They all lived happily, until one day a demon showed up in the city. It lived in the mountain called Natagumo. It was a half of December and people had already decorated the city for the New Year and Christmas. All of the houses were nicely decorated. The men from the city were even setting up the great Christmas tree. So the Iceberg City was full of winter spirit. One day, the great Christmas tree was almost finished with decoration. The demon didn't like the spirit, so he decided to go to the city and destroy it. He was planning to steal all the gifts and ruin the choir on Christmas Eve when no one would expect. There was this little girl who was the most excited one. Her name was Nezuko. She decided that she would pack presents for all the people in the city, including adults. She was a really sweet child. One day, her mom sent her to get some red berries from the mountain. She brought her basket and went to the mountain. When she arrived, she started climbing up the mountain. On her way up she noticed something strange. She saw a cave and, since she was a curious child, so she went in. She heard a strange voice, so she stood there and listened. It was the demon talking about the plan of destroying Christmas. She thought it was just an imagination. She climbed the mountain and got the berries. On her way back home she heard the same noise in the cave. This time she knew she wasn't dreaming. She decided to investigate the cave. When she entered the cave she saw a white fluffy, and a tall monster/demon. It wasn't scary at all. After some deep thinking, she finally went up to the fluffy, little thing and said "Hi!". Since she knew its plan, she asked him why he wanted to destroy the sweet, sweet winter spirit. When the demon heard the child, it immediately turned around and scared the child. Nezuko was scared so he ran out of the mountain. She came back home sighing and hardly even breathing. When her mom saw her like that, she immediately asked her what had happened. The little girl replied "There is a fuzzy monster at the Natagumo mountain". The mother thought that her daughter must've eaten something at the mountain so that she is talking nonsense. The mother just put her daughter to bed for some rest. The demon from the mountain still stood there in confusion. It remembered the question the girl asked him. He then recalled his memories of his childhood. He once lived in a house with his parents. They would always celebrate the winter holidays. Until one winter. His father got really sick. On the wish list of the little monster the only thing that was written was „Dear Santa for this Christmas, the only thing I want is that my dad to get better soon. I hope you will receive my letter. Your fluffy monster“. Santa didn't receive the letter. Since then, the monster ruins and never celebrates any Winter holidays. A few days passed by. Nezuko goes to the mountain again. She visits the monster again, but this time with a gift. She asked the monster the same question again. The Monster this time answered with fury, anger and sadness. Nezuko gave the monster a doll of him. She made it by herself. The monster was surprised that a girl liked him and wasn't afraid of him. She left and invited the monster to a party of the great tree. After she left, the monster thought about it and decided not to go. The next day, one day before Christmas Eve, Nezuko told everyone about the monster. At first no one believed her. Then, suddenly, a man from the crowd told her to lead everybody to him. She did that. Since the people were friendly, they all brought him a gift. They all went into the cave. They all invited him to the party, but instead of answering, the monster screamed and scared everyone off. It was the day of Christmas Eve. Since the monster declined the offer of coming to the party. The people decided to make something nice for him. The monster looked at everyone with sadness. Suddenly it started snowing. It wasn't just regular snow, but snowflakes with notes on every single one. The special letter was written. The monster opened one since it fell from the sky. It was from Nezuko. On the little flake a special note to the monster was written. From that Christmas the monster celebrated every winter holiday with the people in Iceberg city. The way the people made it is still unknown, but one is for sure. You can't achieve anything with just a little of will and work.

## ZAGONETKE

- Možeš me dodirnuti, ali ja ne mogu tebe. Možeš me vidjeti ali ja samo reflektujem tebe i nikada te ne mogu odbiti. Šta sam ja?
- Mogu biti otvoren ili stidljiv, mogu otkriti istinu ili ju sakriti. Uvijek sam dobrodošao i mogu nestati bez najave. Svi ga imaju, ali ga ne dijele uvijek. Šta sam ja?

(Odgovor: Oglendalo, osmijeh)

## MOZGAICE:

Porodični problem

Ti si moj sin, a ja nisam tvoj otac. Ko je to rekao?

Takmičenje

Takmičiš se u trčanju i u jednom trenutku prelaziš trećeg po redu trkača. Na kojem si sad mjestu?

Štapovi

Koliko dva i pol štapa imaju krajeva?

(Odgovori: majka, treći, četvrti)

# Zabavne strane

## Zanimljivosti o prirodi koje možda niste znali!

Majka priroda neprestano nas iznenađuje i fascinira. Snažna je i lijepa, puna čudesnih procesa i bića.

Donosimo vam nekoliko zanimljivih činjenica o prirodi koje možda niste znali.



- **Ljudi i slonovi jedini imaju brade.**
- **Čak 27.000 stabala se posiječe svake godine samo da bi se napravio toaletni papir.**
- **Papir se može reciklirati samo šest puta nakon čega vlakna oslabe i ne mogu se više držati zajedno, ali i šest puta je dovoljno da se sačuva ‘život’ mnogih stabala.**

## Zabavne strane

- Mačka zapravo znači 'pas'. Riječ potiče od latinske riječi 'catulus' što znači mali pas ili štene.
- Dabar ima prozirne vjeđe zahvaljujući kojima vidi i zatvorenih očiju pod vodom.
- Hobotnica ima tri srca.
- Postoji preko 12.000 vrsta šišmiša, a nijedna nije slijepa.
- Delfini svaka dva sata odbacuju gornji sloj kožnih stanica, odnosno mijenjaju kožu kako bi ostala glatka što im pomaže da lakše i brže plivaju. Zato postižu brzinu i do 55 kilometara na sat.



# Osmomartovska čestitka naših učenika

Učenici prvih razreda su povodom 8. marta priredili priredbu za mame, nane i sve dame koje vole i koje u njihovim životima imaju vrlo važno mjesto.



*Uživajte u proljetnim danima iščekujući novi broj  
"Čarobne riječi"*

